



UNIVERZITET U SARAJEVU
AKADEMIJA LIKOVNIH UMJETNOSTI
Obala Maka Dizdara 3

Broj: 03-086.2/23
Sarajevo, 14.03.2023. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22), člana 104. Statuta Univerziteta u Sarajevu i Pravila studiranja za prvi, drugi ciklus studija, integrirani, stručni i specijalistički studij na Univerzitetu u Sarajevu, Vijeće Univerziteta u Sarajevu – Akademije likovnih umjetnosti je na 66. elektronskoj sjednici održanoj 14.03.2023. godine donijelo

ODLUKU

o kriterijima i mjerilima za utvrđivanje redoslijeda prijema
kandidata za upis u prvu godinu prvog ciklusa
studija na Akademiji likovnih umjetnosti u Sarajevu u studijskoj 2023/2024. godini

Član 1.

Pravo učešća na Konkursu za upis u prvu godinu stručnog studija, prvog ciklusa studija i integrisanog studija pod jednakim uvjetima imaju:

- a) državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- b) kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
- c) kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva

Član 2.

Rangiranje i prijem kandidata koji konkurišu za upis na Akademiju likovnih umjetnosti u Sarajevu (u daljem tekstu: Akademija) vršiće se u zavisnosti od bodova koje steknu po slijedećim kriterijima:

- opšti uspjeh u toku školovanja
- postignuti uspjeh iz predmeta značajnih za studij
- rezultata postignutih na prijemnom ispitu
- ostvarene nagrade iz oblasti relevantne za studij
- odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja.



Član 3.

Broj bodova po osnovu opšteg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa brojem 4.

Član 4.

Broj bodova po osnovu uspjeha iz predmeta značajnih za studij na Akademiji vrednuje se maksimalno 20 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 4.

Predmeti koji se posebno boduju kao značajni za studij na Akademiji su za sve odsjeke i iz svih škola maternji jezik i strani jezik.

Član 5.

Kandidati koji su ostvarili nagrade, jedno od prva tri mjesta, za likovna odnosno dizajnerska ostvarenja na međunarodnim, državnim, kantonalnim i općinskim takmičenjima, ostvaruju broj bodova onako kako je objavljeno Konkusom za upis studenata u prvu godinu prvog ciklusa studija Univerziteta u Sarajevu.

Član 6.

Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova.

Član 7.

Ocjenjvanje kandidata na prijemnom ispitu vrše komisije koje imenuje Vijeće iz reda predmetnih nastavnika.

Član 8.

Na početku i tokom prijemnog ispita komisije pregledaju radove kandidata koji su priloženi uz prijavu na konkurs (mapa od najmanje 10 samostalnih radova) iz slobodne aktivnosti kandidata, format i tehnika radova po slobodnom izboru kandidata, a za Odsjek grafički dizajn, pored ove mape, kandidati prilažu i 10 fotografija A4 formata.

Priloženi radovi se **ne boduju** na odsjecima Grafički dizajn i Produkt dizajn.



Član 9.

Na prijemnom ispitu kandidati ostvaruju bodove po osnovu pokazanih rezultata u izradi sljedećih zadataka:

I Kandidati svih odsjeka rade pismeni rad iz oblasti Historija umjetnosti.

II Kandidati za pojedine odsjeke rade zadatke iz sljedećih disciplina:

Nastavnički odsjek:

- crtanje portreta
- crtanje figure
- slikanje mrtve prirode
- bodovanje priloženih radova/mape

Odsjek slikarstvo

- crtanje portreta
- crtanje figure
- slikanje mrtve prirode
- bodovanje priloženih radova/mape

Odsjek kiparstvo

- crtanje portreta
- crtanje figure
- modeliranje portreta
- bodovanje priloženih radova/mape

Odsjek grafika

- crtanje portreta
- crtanje figure
- predložak za jednu od tehnika
- bodovanje priloženih radova/mape

Odsjek grafički dizajn

- crtanje portreta
- crtanje mrtve prirode
- Vizuelna komunikacija – piktogrami
- Vizuelna komunikacija - plakat

Odsjek produkt dizajn

- crtanje kompozicije
- prostorna kompozicija u papiru
- redizajn i analiza predmeta / modelovanje u glini
- intervju, pregled mape i obrazloženje dizajnerskih zadataka



Član 10.

Kandidat na prijemnom ispitu može ostvariti ukupno 60 bodova.

Bodovanje pokazanog uspjeha na izradi zadataka iz prethodnog člana vrši se tako što se svaki izrađeni zadatak boduje ocjenom od 5 – 10, tako da ocjene pojedinačno donose slijedeći broj bodova.

- ocjena 5 (pet)	0	bodova
- ocjena 6 (šest)	3	boda
- ocjena 7 (sedam)	6	boda
- ocjena 8 (osam)	9	bodova
- ocjena 9 (devet)	11	bodova
- ocjena 10 (deset)	12	bodova

U izbor ne mogu ući kandidati koji na prijemnom ispitu nisu ostvarili najmanje 36 bodova (odnosno 60%), odnosno oni kandidati koji su iz jednog ili više zadataka dobili ocjenu 5 (pet), odnosno 0 (nula) bodova.

Član 11.

Komisije bodove i rezultate prijemnog ispita unose putem informacionog sistema eUNSA najkasnije dva dana od dana završetka prijemnog ispita.

Član 12.

Preliminarna rang lista svih primljenih i prijavljenih kandidata objavljuje se putem informacionog sistema eUNSA kao i na oglasnoj ploči/web stranici Akademije (pod šifrom koju su kandidati dobili prilikom registracije) nakon što je verificira Komisija, najkasnije dva dana od posljednjeg dana polaganja prijemnog ispita.

Član 13.

Na preliminarnu rang-listu kandidati imaju pravo prigovora u roku od tri dana od dana objave iste, o kojoj je Vijeće akademije obavezno donijeti odluku u roku od tri dana. Odluka vijeća po prigovoru je konačna.

Nakon isteka žalbenog roka Komisija je obavezna u eUNSA sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori.



Univerzitet u Sarajevu
University of Sarajevo



Akademija likovnih umjetnosti
Academy of Fine Arts

Član 14.

Konačna rang lista kandidata koji su stekli pravo na upis u svim statusima objavljuje se na informacionom sistemu eUNSA kao i na oglasnoj ploči/web stranici Akademije.

Član 15.

Ova odluka stupa na snagu danom donošenja.

D e k a n

Prof. dr. Dubravka Pozderac - Lejlić

Dostaviti:

- web stranica ALU
- Sekretarka ALU
- Služba za nastavu i studentska pitanja
- arhiva- protokol

Broj: 03-086.2.1/23
Sarajevo, 14.03.2023. godine

Predmet: Stručno mišljenje

Prijedlog odluke o kriterijima i mjerilima za utvrđivanje redoslijeda prijema kandidata za upis u prvu godinu prvog ciklusa studija na Akademiji likovnih umjetnosti u Sarajevu u studijskoj 2023/2024. godini nije u suprotnosti sa odredbama Zakona o visokom obrazovanju KS i odredbama Statuta Univerziteta u Sarajevu.

Sekretar
Elma Dozo, dipl. pravnik